

BOSNA I HERCEGOVINA
Federacija Bosne i Hercegovine
KANTON SARAJEVO
JU «SEDMA OSNOVNA ŠKOLA» ILIDŽA
Školski odbor JU «Sedma osnovna škola» Ilidža

Ww c

Broj: 1783/24

Datum: 1.11.2024. godine

Na osnovu člana 118. Zakona o radu („Službene novine Federacije BiH“ br. 26/16, 89/18, 44/22 i 39/24), člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Sl. novine Kantona Sarajevo“ br. 27/24), člana 173. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“ br. 24/22, 40/22, 7/24 i 39/24), Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo («Službene novine Kantona Sarajevo», broj: 21/19), po prijedlogu direktora škole, uz prethodne konsultacije i saglasnost Sindikata JU »Sedma osnovna škola« Ilidža, te dostavljeno pozitivno mišljenje, akt broj: 45/24 od 1.11.2024. godine, Školski odbor na 41. sjednici održanoj dana 1.11.2024. godine, jednoglasno d o n o s i sljedeći:

ODLUKU

o donošenju Pravilnika o izmjenama i dopunama Pravilnika o radu u JU „Sedma osnovna škola“ Ilidža

I.

Ovom odlukom donosi se Pravilnik o izmjenama dopunama Pravilnika o radu JU „Sedma osnovna škola“ Ilidža, broj:1782/24 od 1.11.2024. godine.

II.

Pravilnik o izmjenama i dopunama Pravilnika o radu u JU „Sedma osnovna škola“ Ilidža, objavljuje se odmah na oglasnoj ploči škole i zvaničnoj web stranici škole i stupa na snagu danom objavljivanja, a primjenjuje se od 1.9.2024. godine.

III.

Odluka stupa na snagu danom donošenja.

Predsjednica Školskog odbora:


Maluhija Emina
/Emina Maluhija/

Dostavljeno:

1. Oglasna ploča i web stranica škole;
2. U evidenciju škole.

Wenro

Na osnovu člana 118. Zakona o radu („ Službene novine Federacije BiH“ br. 26/16, 89/18, 44/22 i 39/24), člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Sl. novine Kantona Sarajevo“ br. 27/24), člana 173. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“ br. 24/22, 40/22, 7/24 i 39/24), Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo (»Službene novine Kantona Sarajevo«, broj: 21/19), po prijedlogu direktora škole, uz prethodne konsultacije i saglasnost Sindikata JU »Sedma osnovna škola« Ilidža, te dostavljeno pozitivno mišljenje, akt broj: 45/24 od 1.11.2024. godine, Školski odbor na 41. sjednici održanoj dana 1.11.2024. godine, jednoglasno d o n o s i sljedeći:

PRAVILNIK O IZMJENAMA I DOPUNAMA PRAVILNIKA O RADU JAVNE USTANOVE »SEDMA OSNOVNA ŠKOLA« ILIDŽA

Član 1.

(1) U Pravilniku o radu JU „Sedma osnovna škola“ Ilidža, broj: 1412/22 od 29.6.2022. godine, Pravilniku o izmjenama i dopunama Pravilnika o radu, broj: 2293/22 od 21.10.2022. godine i Pravilniku o izmjenama i dopunama Pravilnika o radu, broj: 420/24 od 13.3.2024. godine, u članu 10. stav (1) mijenja se i glasi:

„(1) Direktor škole (u daljem tekstu: direktor) rješenjem imenuje i razrješava Komisiju koju čine tri člana iz reda radnika ustanove.“

Član 2.

Član 22a. mijenja se i glasi :

„ (1) Radnik koji je imenovan na funkciju pomoćnika direktora ili voditelja dijela nastavnog procesa, i ima ugovor o radu na neodređeno vrijeme u školi, na njegov će zahtjev ugovor o radu mirovati do prestanka mandata.

(2) Zahtjev iz prethodnog stava ovog člana radnik iz stava (1) ovog člana podnosi školskom odboru u roku od 30 dana od imenovanja na funkciju pomoćnika direktora ili voditelja dijela nastavnog procesa, odnosno radnik iz stava (1) ovog člana koji je u vrijeme donošenja važećeg Kolektivnog ugovora zatečen na funkciji pomoćnika direktora ili voditelja dijela nastavnog procesa, u roku od 30 dana od dana stupanja na snagu ovog važećeg Kolektivnog ugovora.

(3) U slučaju da je radnik iz stava (1) ovog člana imenovan na navedenu funkciju sa nepunim radnim vremenom, školski odbor obavezuje direktora da sa imenovanim zaključi Ugovor o radu na određeno vrijeme za poslove za koje ima zaključen osnovni ugovor za preostali dio radnog vremena.

(4) Predsjednik školskog odbora, nakon donošenja odluke o imenovanju pomoćnika direktora ili voditelja i Odluke o mirovanju prava i obaveza iz radnogodnosa za pomoćnika direktora ili voditelja dijela nastavnog procesa, zaključuje ugovor o radu sa imenovanim za obavljanje poslova pomoćnika direktora ili voditelja dijela nastavnog procesa, na period naveden u Odluci o imenovanju.

(5) Radnik iz stava (1) ovog člana ima pravo vratiti se na rad u ovu školu u kojoj je prethodno radio, ako podnese pisani zahtjev za povratak na te poslove u roku od 30 dana od dana prestanka obavljanja poslova pomoćnika direktora ili voditelja dijela nastavnog procesa, u protivnom mu prestaje radni odnos.

(6) Školski odbor može razriješiti dužnosti pomoćnika direktora ili voditelja nastavnog procesa, a na prijedlog direktora škole i prije isteka mandata.“

Član 3.

(1) U članu 36. stav (8) mijenjaju se riječi: (domar, ložač, dnevni čuvar, spremačica, kuhar, servirka)“ mijenjaju se i glase: „(radnik za servisno-tehničku podršku, dnevni čuvar zadužen za sigurnost, radnik na posluživanju obroka, radnik na održavanju higijene, te radnik zatečen na poslovima: domara, ložača, dnevnog čuvara i spremačice)“.

(2) Iza stava (9) dodaju se novi stavovi (10), (11), (12) i (13) koji glase:

„(10) Ocjena o radu i procenat na ime ocjene rada iz stava (8) ovog člana se utvrđuje pojedinačnim detaljno obrazloženim rješenjem direktora škole koje se radniku izdaje najkasnije 15 dana po isteku šestomjesečnog praćenja rada radnika.

(11) Radnik na rješenje iz stava (10) ovog člana ima pravo da uputu žalbu školskom odboru.

(12) Odluka školskog odbora je konačna.

(13) Radnik ima pravo da osporava rješenje iz stava (10) ovog člana putem nadležnog suda“.

Član 4.

U članu 64. dodaje se novi stav (5) koji glasi:

„ (5) Radniku angažiranom na zamjeni kojem prestane ugovor o radu zbog povratka odsutnog radnika na posao, koji je stekao pravo na godišnji odmor u skladu sa stavom (1) ovog člana, a nije u mogućnosti ga koristiti isplatit će se novčana naknada iz člana 104. Pravilnika za broj dana stečenog godišnjeg odmora.“

Član 5.

(1) U članu 66. stav (1) iza riječi „pomoćnik direktora“ dodaju se riječi „ili voditelj nastavnog procesa“ iza riječi „asistent“ dodaje se riječ „u odjeljenju“.

(2) U članu 66 iza stava (1) dodaje se novi stav (2), koji glasi:

„(2) Izuzetno, direktor, pomoćnik direktora ili voditelj dijela nastavnog procesa, sekretar, saradnik za protivpožarnu zaštitu, rukovalac nastavnom tehnikom, radnik na zaštiti na radu i administrativni radnik može na lični zahtjev uz saglasnost školskog odbora ili direktora koristiti godišnji odmor u više dijelova s tim da prvi dio mora trajati minimalno 12 dana.“

(3) Dosadašnji stav (2) postaje stav (3).

Član 6.

U članu 82. stav (3) mijenja se i glasi:

„(3) Za radna mjesta sa posebnim uvjetima rada radnika (angažiranim u hemijskom praktikumu, odnosno praktikumu za biologiju i fiziku, prostorima za sport i rad na otvorenom, radnici na praktičnoj nastavi, radnik za servisno-tehničku podršku, dnevni čuvar zadužen za sigurnost, radnik na posluživanju obroka, pomoćni radnik u kuhinji, radnik na održavanju higijene, te radnik zatečen na poslovima: domara, ložača, dnevnog čuvara, servirke, spremačice i sl.) gdje je to Zakonom uređeno škola je dužana osigurati odgovarajuću opremu propisanu zakonom, podzakonskim aktima i pedagoškim standardima i normativima“.

Član 7.

Član 98. mijenja se i glasi:

„Član 98.

(Platni razredi i koeficijenti složenosti)

(1) Složenost poslova i učinak na određenom radnom mjestu utvrđuje se platnim razredom za koji se u skladu sa čl. 95., 96. i 97. ovog Pravilnika, posebno utvrđuje koeficijent složenosti, a kako slijedi:

R/b	Platni razred	Poslovi	Zvanja	Stručna sprema	cijent
1.	II	Direktor ustanove osnovnog odgoja i obrazovanja		VII ili II ciklus bolonje (300 ECTS)	5,91
2.	III	Pomoćnik direktora (voditelj dijela nastavnog procesa)			5,18
3.	IV	Nastavnik, vjeroučitelj	Viši savjetnik	VII, I i II ciklus bolonje (180, 240 i 300 ECTS)	4,83
		Pedagog, psiholog, pedagog-psiholog, socijalni pedagog, defektolog, logoped, asistent u odjeljenju, edukator-rehabilitator/defektolog u sastavu Mobilnog stručnog tima za pružanje podrške u inkluzivnom obrazovanju, logoped u sastavu Mobilnog stručnog tima za pružanje podrške u inkluzivnom obrazovanju, psiholog u sastavu Mobilnog stručnog tima za pružanje podrške u inkluzivnom obrazovanju, saradnik za protivpožarnu zaštitu, radnik na zaštiti na radu, bibliotekar, socijalni radnik, sekretar, samostalni referent za plan i analizu , rukovalac nastavnom tehnikom (rukovalac nastavnom tehnikom i EMIS odgovorna osoba)	Stručni saradnik savjetnik		
4.	V	Nastavnik, vjeroučitelj	Savjetnik	VII, I i II ciklus bolonje (180, 240 i 300 ECTS)	4,60
		Pedagog, psiholog, pedagog-psiholog, socijalni pedagog, defektolog, logoped, asistent u odjeljenju, edukator-rehabilitator/defektolog u sastavu Mobilnog stručnog tima za pružanje podrške u inkluzivnom obrazovanju, logoped u sastavu Mobilnog stručnog tima za pružanje podrške u inkluzivnom obrazovanju, psiholog u sastavu Mobilnog stručnog tima za pružanje podrške u inkluzivnom obrazovanju, saradnik za protivpožarnu zaštitu, radnik na zaštiti na radu, bibliotekar, socijalni radnik, sekretar, samostalni referent za plan i analizu , rukovalac nastavnom tehnikom (rukovalac nastavnom tehnikom i EMIS odgovorna osoba)	Viši stručni saradnik		
5.	VI	Nastavnik, vjeroučitelj	Mentor	VII, I i II ciklus bolonje (180, 240 i 300 ECTS)	4,48
		Pedagog, psiholog, pedagog-psiholog, socijalni pedagog, defektolog, logoped, asistent u odjeljenju, edukator-rehabilitator/defektolog u sastavu Mobilnog stručnog tima za pružanje podrške u inkluzivnom obrazovanju, logoped u sastavu Mobilnog stručnog tima za pružanje podrške u inkluzivnom obrazovanju, psiholog u sastavu Mobilnog stručnog tima za pružanje podrške u inkluzivnom obrazovanju, saradnik za protivpožarnu zaštitu, radnik na zaštiti na radu, bibliotekar, socijalni radnik, sekretar, samostalni referent za plan i analizu , rukovalac nastavnom tehnikom (rukovalac nastavnom tehnikom i EMIS odgovorna osoba)	Samostalni stručni saradnik		
6.	VII	Nastavnik, vjeroučitelj, pedagog, psiholog, pedagog-psiholog, socijalni pedagog, defektolog, logoped, asistent u odjeljenju, edukator-rehabilitator/defektolog u sastavu Mobilnog stručnog tima za pružanje podrške u inkluzivnom obrazovanju, logoped u sastavu Mobilnog stručnog tima za pružanje podrške u inkluzivnom obrazovanju, psiholog u sastavu Mobilnog stručnog tima za pružanje podrške u inkluzivnom obrazovanju, saradnik za protivpožarnu zaštitu, radnik na zaštiti na radu, bibliotekar, socijalni radnik, sekretar, samostalni referent za plan i analizu , rukovalac nastavnom tehnikom (rukovalac nastavnom tehnikom i EMIS odgovorna osoba)		VII, I i II ciklus bolonje (180, 240 i 300 ECTS)	4,36
7.	VIII	Nastavnik, (administrativni radnik) sa zvanjem viši savjetnik	Viši savjetnik	VI	4,48
		Administrativni radnik, radnik za zaštitu na radu, radnik zatečen na poslovima: pedagoga, psihologa, bibliotekara, socijalnog radnika, asistent u odjeljenju, samostalnog referenta za plan i analizu , sekretara i rukovaoca nastavnom tehnikom (rukovalac nastavnom tehnikom i EMIS odgovorna osoba)	Stručni saradnik savjetnik		
8.	IX	Nastavnik, (administrativni radnik) sa zvanjem savjetnik.	Savjetnik	VI	4,36
		Administrativni radnik , radnik za zaštitu na radu, radnik zatečen na poslovima: pedagoga, psihologa, pedagoga-psihologa, bibliotekara, socijalnog radnika, samostalnog referenta za plan i analizu , sekretara i rukovaoca nastavnom tehnikom (rukovalac nastavnom tehnikom i EMIS odgovorna osoba)	Viši stručni saradnik		
9.	X	Nastavnik, (administrativni radnik) sa zvanjem mentor	Mentor	VI	4,24
		Administrativni radnik , radnik za zaštitu na radu, radnik zatečen na poslovima: pedagoga, psihologa, pedagoga-psihologa, bibliotekara, socijalnog radnika, asistenta u odjeljenju, samostalnog referenta za plan i analizu , sekretara i rukovaoca nastavnom tehnikom (rukovalac nastavnom tehnikom i EMIS odgovorna osoba)	Samostalni stručni saradnik		

10.	XI	Nastavnik, administrativni radnik, radnik za zaštitu na radu, radnik zatečen na poslovima: pedagoga, psihologa, pedagoga-psihologa, bibliotekara, asistenta u odjeljenju socijalnog radnika, samostalnog referenta za plan i analizu, sekretara i rukovodila nastavnom tehnikom (rukovodilac nastavnim tehnikom i EMIS odgovorna osoba)		VI	4,13
11.	XII	Nastavnik, radnik za zaštitu na radu, radnik zatečen na poslovima: sekretara, referenta za plan i analizu, bibliotekara, administrativni radnik,	Viši konsultant	IV	4,13
12.	XIII		Konsultant	IV	4,00
13.	XIV		Mentor	IV	3,88
14.	XV			IV	3,83
15.	XVI	Administrativno-računovodstveni radnik, ekonom, blagajnik, skladištar, kurir, nabavljač-recepcioner	Viši referent	IV	3,18
16.	XVII		Referent	IV	3,06
17.	XVIII		Mlađi referent	IV	2,94
18.	XIX		Radnik za logističku podršku i higijenu		IV
19.	XX	Kuhar u osnovnoj školi, Radnik zatečen na poslovima domara, ložača, domara/ložača/dnevnog čuvara, električaravodoinstalatera, vešerice		III ili V	2,90
		Domar Domar, radnik za servisno-tehničku podršku, radnik za servisno-tehničku i sigurnosnu podršku, Radnik zatečen na poslovima: domara, ložača, domara/ložača/dnevnog čuvara, električara, vodoinstalatera, vešerice		III, IV ili V	
		Električar, vodoinstalater, vešerica,		III ili IV	
20.	XXI	Pomoćni radnik u kuhinji, Radnik zatečen na poslovima pomoćnog radnika u kuhinji		III ili IV	2,59
		Noćni čuvar zadužen za sigurnost, dnevni čuvar zadužen za sigurnost Radnik zatečen na radnom mjestu: noćnog čuvara, dnevnog čuvara Radnik na posluživanju obroka Radnik zatečen na poslovima servirke		III ili IV	
21.	XXII	Radnik na održavanju higijene, radnik na održavanju higijene/sobarica, radnik u vešeraju, domaćica, Radnik zatečen na poslovima posluživanja obroka, servirke i spremačice		NK	2,59

(2) Povjerenik za zaštitu na radu iz reda zaposlenih ima pravo na naknadu plaće u visini plaće koju bi ostvario da je radio na poslovima za koje je zaključio ugovor o radu.

(3) Lice zaduženo za provođenje mjera zaštite od požara ima pravo na naknadu plaće u visini plaće koju bi ostvario da je radio na poslovima za koje je zaključio ugovor o radu."

Član 8.

U članu 102. stav (2) iza riječi „sekretaru“ dodaje se riječ „administrativnom radniku“.

Član 9.

U članu 103. stav (1) tačka g) mijenja se i glasi:

„g) rad u Školi u prirodi sa učenicima od II razreda do IV razreda koja se realizuje jednom u toku školovanja i rad na ekskurziji sa učenicima na kraju VIII razreda ili u IX razredu - 20%“.

Član 10.

U članu 116. u stavu (1) riječ „pet“ mijenja se sa riječi:
„šest“

Član 11.

U članu 119. stav (1) mijenja se i glasi:

„(1) Odlukom školskog odbora regulišu se način i uvjeti obrazovanja komisija i način ostvarivanja naknada, a visina naknade se utvrđuje uputstvom/odlukom ministra, za svaku pojedinačnu komisiju.“

Član 12.

Članu 131. dodaju se novi stavovi (3), (4), (5), (6), (7) i (8) koji glase:

„(3) Direktor u postupku utvrđivanja činjenica o učinjenoj povredi radne dužnosti može donijeti jednu od sljedećih odluka:

a) da obustavi postupak,

b) da radnika oslobodi odgovornosti,

c) da radnika proglasi odgovornim za učinjenu povredu radne dužnosti i izrekne jednu od predviđenih disciplinskih mjera.

(4) Pokretanje postupka za utvrđivanja povrede radne dužnosti zastarijeva u roku od tri mjeseca od dana saznanja da je povreda učinjena.

(5) Pokretanje postupka za utvrđivanje povrede radne dužnosti zastarijeva u roku od 15 dana od dana donošenja rješenja o imenovanju komisije za utvrđivanje činjenica o povredi radne dužnosti.

(6) Zastara izvršenja mjere pisanog upozorenja nastupa protokom 30 dana od donošenja konačnog rješenja kojim je izrečena ta disciplinska mjera.

(7) Konačna odluka o disciplinskoj mjeri, pisano upozorenje, izvršava se tako što se objavljuje na oglasnoj ploči škole, a treba da bude izložena 15 dana od dana kada je stavljena na oglasnu ploču.

(8) Rješenje o izrečenoj disciplinskoj mjeri se nakon dvije godine od izvršenja disciplinske mjere uklanja iz personalnog dosjea radnika koji se vodi u ustanovi, te se na osnovu toga smatra da radnik nije ni kažnjavan.“

Član 13.

Član 132 mijenja se i glasi:

„(1) Radniku se mora pružiti prilika da iznese svoju odbranu lično, putem zastupnika ili putem Sindikata.“

- (2) Poslije davanja iskaza i utvrđivanje činjenica da li je postojao prekršaj ili nije, direktor donosi odluku (pisano upozorenje ili otkaz ugovora o radu).
- (3) Odluka direktora iz stava (2) ovog člana mora sadržavati detaljan opis prijestupa radnika.
- (4) Radnik na odluku direktora iz stava (2) ovog člana ima pravo da uputi žalbu školskom odboru.
- (5) Prilikom odlučivanja o žalbi iz stava (4) ovog člana školski odbor može donijeti sljedeće odluke:
- a) odbaciti žalbu kada nije podnesena u propisanom roku ili podnesena od strane neovlaštene osobe;
 - b) odbiti žalbu kao neosnovanu i potvrditi odluku direktora;
 - c) uvažiti žalbu i poništiti odluku direktora i vratiti na ponovni postupak, ako se utvrdi da vođenim postupkom nije pravilno utvrđeno činjenično stanje;
 - d) uvažiti žalbu i preinačiti odluku direktora, ako se utvrdi da postupak o utvrđivanju povrede radne dužnosti nije pravilno vođen ili nije bez razumne sumnje utvrđena odgovornost radnika, odnosno ako je nastupila zastara ili je radniku prestao radni odnos u školi."

Član 14.

Član 133. mijenja se i glasi:

- (1) školski odbor je dužan u roku od tri dana od dana vođenja rasprave dostaviti radniku i direktoru svoju odluku.
- (2) Odluka iz stava (1) ovog člana postaje konačna:
- a) kada protekne rok žalbe, a žalba nije podnesena,
 - b) danom dostavljanja odluke školskog odbora radniku koji je podnio žalbu.
- (3) Odluka školskog odbora je konačna.
- (4) Radnik ima pravo da osporava odluku direktora iz člana 132 stav (2), odnosno odluku školskog odbora iz člana 132 stav (5) putem nadležnog suda."

Član 15

U članu 154. stavu (3) riječi „5 dana“ mijenjaju se riječima „10 dana“.

Član 16.

(1) U članu 156. u stavu (8) u tački a) iz riječi „direktor“ dodaju se riječi „i pomoćnik direktora ili voditelj dijela nastavnog procesa“

(2) U članu 156. stav (8) tačka c) tekst „(dnevni čuvar, ložać i jedna spremačica)“ mijenja se sa tekstom koji glasi:

„(dnevni čuvar za sigurnost, radnik za servisno-tehničku podršku i jedan radnik na održavanju higijene)“.

Član 17.

(Stupanje na snagu)

Ovaj Pravilnik sa danom donošenja objavljuje se na oglasnoj ploče Škole i stupa na snagu sa danom objavljivanja, a primjenjuje se od 1.9.2024. godine.

Broj: 1782/24
Sarajevo, 1.11.2024. godine

Predsjednica Školskog odbora

/Emina Maluhija/

